

道慈禪誌

偽滿洲國期刊匯編

道慈雜誌社

綏裝書局

道慈襍誌

(第六冊)

偽滿洲國期刊匯編

綫裝書局



道慈雜誌

沈阳

第六册

道慈杂志	一九三六年	第三卷第四号	………	二二八九
道慈杂志	一九三六年	第三卷第五号	………	二三五三
道慈杂志	一九三六年	第三卷第六号	………	二四一七
道慈杂志	一九三六年	第三卷第七号	………	二四七五
道慈杂志	一九三六年	第三卷第八号	………	二五三九
道慈杂志	一九三六年	第三卷第九号	………	二六〇三

道慈杂志 一九三六年 第三卷第十号 二六六五

道慈杂志 一九三六年 第三卷第十一号 二七二七

康德元年九月廿六日執照第二十四號
郵政特准掛號認爲新聞紙類

半 月 刊

道慈雜誌

康德三年二月十六日發行

第三卷第四號

世界紅卍字會以道慈爲宗旨

健全個人自立之精神曰道

謀助世界共享之幸福曰慈

屬於道者

澄心滌慮復性固靈
潛默修養道依中庸

屬於慈者

救濟災患促進和平
卍緣共渡無域無封

發行所道慈雜誌社

福州小南門外紅卍字會街

世界紅卍字會

緊要啟事

啟者本會係純粹慈善團體向以救濟災患爲天職從不參預政治倘有假借本會名義爲慈善範圍以外之營謀及在會會員個人一切行爲概由其本人負責與本會無涉恐各界尙未週知特此登報鄭重聲明此啟

道慈雜誌第三卷第四號目次

一、世界紅卍字會宣言.....一頁

一、寫真.....三頁

一、道慈真諦.....

論盈虧消長之理.....
管 甲一五甲 錄

測試神道論.....
管 甲四五甲 錄

說內外身形世事之分別.....
管 甲十至甲十三 錄

補白.....
甲 十四

一、論說

憂慮說.....
管 乙一至乙三 錄

再說修道何以必須習坐之義.....
管 乙三至乙六 錄

自述誓欲廣結善緣之發言.....
管 乙六至乙九 錄

補白.....
乙 九至乙十

一、參經

恭參太乙北極真經申集卷九第三節

補白

丙奉
一至丙三
丙三至丙四

一、記實

世界紅卍字會救濟湖北水災第十四次報告

世界紅卍字會救濟湖北水災第十五次報告

補白

丁一至丁三
丁三至丁五
丁五至丁六

一、雜俎

孝僧再世記

死生有定殺人有禮記

強死爲厲記

說霍亂

戊一至戊二
戊二至戊四
戊四至戊九
戊九至戊十

一、小說

那丹珠後集


補白

己一至己十


世界紅卍字會宣言 ▼

[illegible]


五月十九日 世界紅十字會煙山辦事處開幕紀念攝影



五月十七日 乙亥 念紀影攝前墓於隊埋掩立皮處事辦山筒烟會字號紅界世



日七至廿古由
 止月乙四歷甲
 初亥日十戌
 十年起月年
 眞寫廠粥施鎮子城營設附會分通伊會字己紅界世



道慈真諦

論盈虧消長之理

(管慧)

盈虧消長。天之道也。溢損謙容。修之悟也。知乎道。則可以知盈爲虧基。虧爲盈伏。溢爲損成。謙爲容光。此修悟大道之中。所以必明夫此盈虧消長之理。而後始能以致謙虛容納之光。然則其理現於事者。爲已然之跡。不能有以毀其成。而改其先也。必在理之未現。數之未定。形成未遂。化運未格之時。以探其奧而窺其機。以容納盈。以謙受滿。則消自不消。長自能長。已惟世人不明乎此。常以致極登峯。爲己欲之所償。己心之所快。如是者。則不但不能遂其所志。而反遭殃於無形。得禍於有象也。以是觀之。則人之悟修研道。以求世理之真僞。以窮世變之幻常者。則必由其空虛不着處。乃能以由微以知著。由顯以明隱也。此修悟二字。非必於有形見之爲真。自無形養之乃純也。世上之殘暴隱忍者。莫非失其內養之充。而蔽其外測之明也。若能於空而不着。虛而無象處。以容其養候之功。充其虛靈之杰。則凡爲形所具者。莫不化於形。凡爲世所有者。莫不歸於無。既皆歸無形化。則世上之真形真色。真有真無之中。必由

已聰已明之性。以自定其明昧清濁也。所以無爲有基。有爲無寄。形爲化生。化爲虛養之妙諦。亘千古而不變。歷萬禩而不移者也。但不知悟者。得其反。不明窺者。得其幻。得於反者。持登峯造極之理。以消元。得於幻者。持形色養生之術。以薄本。而其本。薄乎虛無之中。元喪乎假形幻化之內。於是所求於己者。正失之於己也。所望於人者。正福之於人也。皆因其自虛以滯已明。自性以幻己真。乃有此歷劫環生之惡象。因果不已之循環也。嗚呼。人心如是者。千百之中。何止千百。不過未得其志。未償其欲耳。此大道所以垂化今世。大慈所以拯渡今生者。各方由世理人情世變幻化之中。可以悟及我修之正。我養之真。以空空爲體。則四大無着。以虛虛爲用。則幻變不生。不生於內。自無其外。無其外幻。又焉能有世變劫厄之云投乎。此根在修。此源在道。道修二字。所以能贊天地化育。能消末世劫氛者。其惟以各各之清養明悟之炁光。以玄化於無形。而長未來之道氣也。是爲修於今日者。不可不深悟以察其機。而澈其源。究其真。以探其奧也。勗爾各方。其各慎悟之可已。

紐氛瀰漫。化渡云勞。勞者。外勞於形。內勞於養。勞形。人皆知之。勞養。人鮮明也。

此有無相化之機。所以不能並進而兼得者。其即在各修者不知養炁充光。以化無形之劫戾乎。徒以喟嘆殘亡者。而展慈力。不知篤充炁光者。以消弭虛空也。既形者。補之無濟。未形者。化之不純。於此則各各自體自悟。於自修自養之中。卽可以知未來之如何也。然則不行於外。徒充於內者。有無益於世類劫厄。則惟各方察有形之果。以却無形之因。始爲得已。若是。則行於外者。不虛其行。充於內者。不無其養。否則。內外交偏。功候亦難望其眞明也。勗爾各堅力篤修者。其各自反悟。以化無形之劫戾。斯可已。各各悟遵。

（謹按）此篇神訓。其詞極顯。其理極深。若不能於理之未現。數之未定。形成未遂。化運未格之時。探其奧而窺其機。則所謂盈虧消長者。亦不過知其已然之跡。而不能明其未然之朕兆。及將然之預徵也。然果知夫盈爲虧之基。虧爲盈所伏。則溢爲損成。謙爲容光之理。亦非不可以了澈其所以然也。惟是庸夫俗子。其固有之靈明。皆爲氣稟所拘。物欲所蔽。祇知得馬爲福。不知得馬爲禍。祇知登峯造極。不知月盈則虧。所以貪得者無厭。居高者忘危。及至泰極否來。始知罪福如幻。起滅循環。已無及矣。故知此篇訓意。乃顯示修

人。務須修我之正。養我之真。一切有形有象之或罪或福。不必計及於心。其有致極登峯者。宜知持恆保泰。明損撝謙。不然。則登峯造極。實足以消其元。形色養生。反足以薄其本。此卽盛虧消長之理。亘千古而不變。歷萬禩而不移者也。不過有象者人所易知。無形者人所難信。於是因其自虛以滯已明。由其自性以幻己真。乃有此歷劫環生之惡象。因果不已之循環也。豈不誠可歎哉。竊願吾輩修人。於此訓而詳參默悟之。則求六合於一身。化萬劫於無形。直彈指間事耳。

測試神道論

(營妙)

信爲道本。誠爲修根。信誠主於內。則形於外者。無在非道。亦無在非慈。卽道卽慈。以明修信。以達修誠。其果至易。其修亦平。因其平易。而見測於世。見試於修者。已不下十載餘已。然不以其測而晦道明。不以其試而敗修果者。皆由誠明之悟。以達至真至善之果也。惟此試測於道者。至今時。道未因其試測以敗。而修未因其試測以毀。反皇皇其享。耀耀其宗。以修至果於形色真虛之間。而得其功於世類之上者。豈道之因毀敗而彌彰。修之因試測以彌堅乎。乃道之真

僞。同於天地悠久。不以變而改常。不以幻而移真也。其真僞見諸世。見諸難者。已了之於人人心目之中。雖有聰明睿智之士。亦不敢厚非我道爲非是也。是以道化張。而規運興。修人普。而災厄至者。其中預以蓄其才。早以備其用也。惟因蓄才備用之時。乃有以黠測道之事。以驗觀道之舉。是謂測道時期。試靈際會。所以在十二載以前者。往往以道之真僞。修之實幻。以測驗於己性靈之中。或以事理。或以感應。或以疏陳。或以表達。是皆測道於己。試靈於虛者也。而老人未因其所測所試。以毀道敗慈於中途者。正以此時之規運災厄是慮也。然既未被毀於先。則今後之爲修於道者。可不必如前之紛性擾靈以測道。而老人將以道而測各修者之前已。此因道之真僞。即修之真僞也。修不以真。道何真焉。修人用僞。道何明焉。故值此時。而再有試測之心者。先內試之於己。測之於性。而後再行測道試修。以努其進可已。彼道付修人者何。性而已也。道與修人之果者何。明而已也。不能明己性以窺道奧。先欲求道奧以充己黠者。非背道以馳者乎。故

老人今後以各修者。誠明所至。先受試測於火者。將反以試測於修已。修如以